


2017-imi aningaasaqarneq 1,0 pct.-imik qaffariarpoq

2017-imi Kalaallit Nunaata aningaasaqarnera 1,0 pct.-imik pitsanngoriarpoq. Piffissami 2011-miit 2016 ilanngullugu agguaqatigiissillugu BNP ukiumut 1,6 pct.-imik qaffariartarsimavoq, taamaattorli ataani titartakkami takuneqarsinnaasutut ukiumiit ukiumut nikerarnerit annertusarsimallutik.

Titartagaq 1.

Tunisassiornerup nalinga (BNP), akit qaffakkiartornerat peerlugu



*Atuineq
ineriartortitsisoq*

2017-imi aningaasaqarnerup ineriartornera nunatsinni atuineramik annerusumik pissuteqarpoq, annermik pisortat atuinerat qaffassimammat. Aamma inuinnaat atuinerat annertuseriarsimavoq, inuussutissarsiorfilli aningaasaliissutigisartagaat annikilleriarsimallutik.

*Branchenik
nutarterineq*

Ulloq 1. januar 2018 Inuussutissarsiuutinik Ingerlataqartunik Nalunaarsuiffik (IIN) atorunnaarpoq, ullormilu tassani Danmarkimi Det Centrale Virksomhedsregister (CVR) atorneqalerluni. Tamassuma pisariaqartilerpaa suliffeqarfinnik branchelersueriaasitoqqap GB2000-mik taaneqartartup nutarterneqarnissaa. Taamaalilluni suliffeqarfinnik branchelersueriaaseq nutartigaq DB07 uani saqqummersitami tunngavigineqarluni atorneqarpoq. DB07 Danmarkimi atorneqarpoq, tassaallunilu Nunat EU-mi ilaasortaasut akornanni suliffeqarfinnik branchelersuisarnermi malittareqqusaq.

Takussutissiami 1-imi takuneqarsinnaavoq BNP akini ingerlaavartuni aamma lu BNP akusimasunit kisitat akit qaffakkiartornerat peereerlugu ineriartornerat. BNP akusimasunit kisitat inummut ataatsimut naatsorsornerani 2017-imi 274,1 tkr.-inngorsimavoq 2016-imi 271,4 tkr.-iusimasoq. Taamaalilluni 1,0 pct.-imik inuinnaat atuinerat annertuseriarsimavoq.

Takussutissiaq 1. BNP aamma BNP innuttaasunut agguarlugu


	2008	2009	2010	2011	2012	2013	2014	2015	2016*	2017*
Akit ingerlaavartut										
BNP, mio. kr.	12.741	13.563	14.078	14.412	15.116	15.080	15.951	16.814	18.267	18.499
Innuttaasunut agguarlugu, 1.000 kr.	225,7	241,4	249,4	254,6	266,4	267,5	283,4	300,3	327,1	331,2
Naleqqersuut, 2010=100	90,5	96,3	100,0	102,4	107,4	107,1	113,3	119,4	129,8	131,4
Ukiumut BNP-ip ineriartornera	4,0	6,5	3,8	2,4	4,9	-0,2	5,8	5,4	8,6	1,3
2010-mi akit, akusimasunit kisitat										
BNP, mio. kr.	13.719	13.838	14.078	14.008	14.203	14.019	14.679	14.307	15.160	15.309
Innuttaasunut agguarlugu, 1.000 kr.	243,0	246,3	249,4	247,4	250,3	248,7	260,8	255,6	271,4	274,1
Naleqqersuut, 2010=100	97,4	98,3	100,0	99,5	100,9	99,6	104,3	101,6	107,7	108,7
Ukiumut BNP-ip ineriartornera	6,2	0,9	1,7	-0,5	1,4	-1,3	4,7	-2,5	6,0	1,0

Nuna tamakkerlugu naatsorsuutit FN-ip nunanut tamalaanut naatsorsueriaa-sissatut najoqqutassiai malillugit naatsorsugaapput, tamatumalu ajornarun-naarsippaa Kalaallit Nunaata aningaasaqarnerata nunanut allanut najoqqutassianik malinnittunut sanilliunneqarsinnaanera. Titartakkami ataaniittumi Kalaallit Nunaanni aningaasaqarnerup ineriartornera nunanut toqqakkanut arlalinnut, nunallu OECD-mut ilaasut agguaqatigiissillugu ukiumut ineriartornerannut sanilliunneqarpoq.

Titartagaq 2-mi erserpoq Kalaallit Nunaanni, Norgemi Finlandimilu BNP ineriartornera assigiinngiaartumik nikerarsimasooq, nunat allat aningaasatigut ineriartornerisa nikerarnerat patajaannerusumik assigiaarnerusimalluni.

Titartagaq 2.

Kalaallit Nunaanni nunanilu allani BNP-p ineriartornera 2013-2017



Nuna tamakkerlugu naatsorsuutit naalisarlugu

Nuna tamakkerlugu naatsorsuutit tunisassiornermit aallaavillit inuiaqatigiit aningaasaqarnerata ineriartorneranik ersersitsisarput. Naatsorsukkat takutit-tarpaat inuutissarsiutit inoqutigiillu aningaasaqarnerat, minnerunngitsumillu avammut niueqateqarnerup ingerlarnga. Taamaasilluni nioqqutit kiffartuus-sinerillu pilersiorneqartut atorneqartullu naatsorsuusiatigut takussutissartaqalersarput. Saqqummersitaq manna, Naatsorsueqqissaartarfiup saqqum-

mersitaani nuna tamakkerlugu naatsorsuutini ukiunik arlalinnik tungaveqartuni, arfineq pingajussarivaat.

Nuna tamakkerlugu naatsorsuutit 2015-imoortut naatsorsoqqissaarneqarsimalerput, taamaasillutillu inaarutaasumik saqqummiunneqarsinnaanngorlutik. Naatsorsueqqissaarinerit nutaat ilimaginngisaraluamik BNP annertuumik allannguuteqartippaat. Nuna tamakkerlugu naatsorsuutit inaarutaasut naatsorsoqqissaarnerisa 2015-imi 2016-imut aamma 2017-imut BNP-mik mis-singersuusiortoqarsinnaalersippaat.

Naatsorsueqqissaartarfiup nittartagaanut *www.stat.gl*-imut saqqummersitaq "Nationalregnskab 2008-2017" pdf fiilinngorlugu aaneqarsinnaavoq.

Saqqummersitami paasissutissat itisilerlugit kisitsisaataasivimmuut aaneqarsinnaapputtaaq una aqputigalugu *www.stat.gl*.

Paasissutissanik annertunersunik paasisaqarusuttut uunga attaveqarsinnaapput; Naatsorsueqqissaartarfiup pisortaa Anders Blaabjerg, e-mail abla@stat.gl (oqarasuaat 36 23 72).

Inussiarnersumik inuulluaqqusillunga
Anders Blaabjerg